



REGIONE AUTÒNOMA DE SARDIGNA
REGIONE AUTONOMA DELLA SARDEGNA

Su Presidente

Prot. n.1363

ORDINÀNTZIA N. 3 DE SU 5 DE FREÀRGIU DE SU 2021

Ogetu: Ulteriores mesuras istraordinàrias urgentes de cuntrastu e preventzione de isparghidura Epidemiològica dae covid-2019 in su territòriu regionale de sa Sardigna. Ordinàntzia in cunforma a s'art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica.
Dispositziones pro sa gestione de sos refudos urbanos.

SU PRESIDENTE

- BIDU s'art. 32 de sa Costituzione;
- BIDU S'Istatutu Ispetziale pro sa Sardigna e sas normas relativas de atuatzione;
- BIDA sa lege regionale 7 de ghenàrgiu de su 1977, n. 1 chi cuntenit "*Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales*";
- BIDA sa lege 23 de nadale de su 1978, n. 833 chi cuntenit "Istituzione de su servìtziu sanitàriu nazionale" e in particolare s'art. 32 chi disponet "*Su Ministru de sa sanidade podet emitere ordinàntzias de caràtere contingibile e urgente, in matèria de igiene e sanidade pùblica e de polìtzia veterinària, cun eficàtzia istèrrida a totu su territòriu nazionale o a parte de issu chi cumprendet prus regiones*", e puru "*in sas matessis matèrias sunt emitidas dae su Presidente de sa giunta regionale e dae su Sìndigu ordinàntzias de caràtere contingibile e urgente, cun eficàtzia istèrrida a manera rispetiva a sa regione o a parte de su territòriu suo chi cumprendet prus comunes e a su territòriu comunale*";
- BIDU s'art. 191 de su D Lgs n. 152/2006, su cale cunsentit, si in casu mai si verificent situatziones de netzessidade etzetzionale e urgente de tutela de sa salute pùblica e de s'ambiente, a su Presidente de sa Regione, pro cantu de cumpetèntzia, de emitere ordinàntzias contingibiles e urgentes pro cunsentire su ricursu temporàneu a formas ispetziales de gestione de sos refudos, puru in dèroga a sas dispositziones vigentes, garantende unu livellu artu de tutela de sa salute e de s'ambiente;
- BIDA sa declaratzione de s'Organizatzione mundiale de sa sanidade de su 30 de ghenàrgiu de su 2020 cun sa cale s'epidemia dae covid-19 est istada valutada comente un'emergèntzia de sanidade pùblica de rilevàntzia internatzionale;
- BIDA sa delibera de su Consìgiu de sos Ministros de su 31 de ghenàrgiu de su 2020 chi cuntenit "*Declaratzione de s'istadu de emergèntzia in cunsighèntzia de s'arriscu sanitàriu connessu a s'isvilupu de patologias chi derivant dae agentes virales trasmissibiles*";



REGIONE AUTÒNOMA DE SARDIGNA
REGIONE AUTONOMA DELLA SARDEGNA

IL PRESIDENTE

- BIDA s'ordinàntzia de su Capu de su Dipartimentu de sa Protetzione Tzivile n. 630 de su 3 de freàrgiu de su 2020, chi cuntenit "*Primos interventos urgentes de Protetzione Tzivile in relatzione a s'emergèntzia relativa a s'arriscu sanitàriu connessu a s'isvilupu de patologias chi derivant dae agentes virales trasmissibiles*";
- BIDU su decretu-lege 23 de freàrgiu de su 2020, n. 6 chi cuntenit "*Mesuras urgentes in matèria de cuntenimentu e gestione de s'emergèntzia epidemiològica dae covid-19*", mudadu, cun modificatziones, dae sa lege 5 de martzu de su 2020, n. 13, a pustis abrogadu dae su decretu-lege n. 19 de su 2020 a etzetzione de s'art. 3, comma 6-bis, e de s'art. 4;
- BIDU su decretu de su Capu de su Dipartimentu de sa protetzione tzivile n. 627 de su 27 de freàrgiu de su 2020 chi nùmenat su Presidente de sa Regione autònoma de sa Sardigna, sugetu atuadore de sos interventos segundu su OCDPC 630/2020;
- BIDA sa declaratzione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae covid-19 est istada valutada comente "pandemia" in cunsideru de sos livellos de isparghidura e gravidade segudados a livellu globale;
- BIDU su decretu lege 17 de martzu de su 2020, n. 18, chi cuntenit "*Mesuras de rinfortzu de su servitziu sanitàriu natzionale e de sustennu econòmicu pro familias, traballadores e impresas connessas s'emergèntzia epidemiològica dae covid-19*", mudadu, cun modificas, cun sa lege 24 de abriale de su 2020, n. 27;
- BIDA sa deliberatzione de sa Giunta regionale n. 13/25 de su 17 de martzu de su 2020 chi cuntenit "*Coordinamentu de sos interventos urgentes e de sos servitzios de sucursu in cunsighèntzia de s'arriscu sanitàriu connessu a s'isvilupu de patologias chi derivant dae agentes virales trasmissibiles. Declaratzione de s'istadu de emergèntzia de rilievu regionale segundu su comma 4 de s'art. 7 de sa LR n. 3/1989, comente mudadu dae s'art. 3 de sa LR n. 9/2020*";
- BIDU su decretu-lege 25 de martzu 2020, n. 19, chi cuntenit "*Mesuras urgentes pro fàghere fronte a s'emergèntzia epidemiològica dae covid-19*", mudadu, cun modificas, dae sa lege 22 de maju de su 2020, n. 35 e a manera ulteriore mudadu dae su DL n. 83/2020, in particolare sos articulos 1 e 2, comma 1;
- BIDU su decretu lege 16 de maju de su 2020, n. 33 chi cuntenit "*Ulteriores mesuras urgentes pro fàghere fronte a s'emergèntzia epidemiològica dae covid-19*", mudadu, cun modificas, cun sa lege 14 de trìulas de su 2020, n. 74 e a manera ulteriore modificadu dae su DL n. 83/2020;
- BIDU su decretu lege 19 de maju de su 2020, n. 34 "*Mesuras urgentes in matèria de salute, sustennu a su traballu e a s'economia, e puru de políticas sotziales connessas a s'emergèntzia epidemiològica dae covid-19*", mudadu, cun modificas, cun sa lege 17 de trìulas de su 2020, n. 77;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

IL PRESIDENTE

- BIDU su decretu lege 30 de trìulas de su 2020, n. 83 "*Mesuras urgentes connessas cun s'iscadèntzia de sa declaratzione de emergèntzia epidemiològica dae covid-19 deliberada su 31 de ghennàrgiu de su 2020*" cun su cale si disponet sa pròroga de s'istadu de emergèntzia a su 15 de santugaine de su 2020;
- BIDA sa deliberatzione n. 45/3 de s'8 de cabudanni de su 2020 cun sa cale sa Giunta regionale at istabilidu "*de aprovare chi sas mesuras de sas cales in sa deliberatzione de sa Giunta regionale n. 13/25 de su 17 de martzu de su 2020 sunt ativas finas a s'acabu de s'istadu de emergèntzia natzionale declaradu in cunforma a s'articulu 24 de su DLgs n. 1/2018, in cunsighèntzia de s'arriscu sanitàriu connessu a s'isvilupu de patologias chi derivant dae agentes virales trasmisibiles, istabilidu in sa setziada de su Consigiu de sos Ministros de su 29 de trìulas de su 2020*";
- BIDU su decretu-lege 7 de santugaine de su 2020, n. 125, chi cuntenit "*Mesuras urgentes connessas cun sa pròroga de sa declaratzione de s'istadu de emergèntzia epidemiològica dae covid-19 e pro sa sikhida operativa de su sistema de allerta covid, e puru pro s'atuatzione de sa direttiva (UE) 2020/739 de su 3 de làmpadas de su 2020*", cun sa cale si disponet tra sas àteras cosas sa pròroga de s'istadu de emergèntzia a su 31 de ghennàrgiu de su 2021;
- BIDU su documentu chi cuntenit sas "*Primas indicatziones generales pro sa gestione de sos refudos. Emergèntzia covid-19*", aprovadas dae su Consigiu de su Sistema Natzionale pro sa Protetzione de s'Ambiente de su 23/03/2020, cun su cale benint formulados unos cantos cunsideros subra de su tratamentu de sos refudos urbanos in Itàlia durante s'emergèntzia dèpida a s'epidemia in argumentu;
- BIDA sa tzirculare n. 22276 de su 30/03/2020 de su Ministèriu de s'ambiente e de sa tutela de su territòriu e de su mare chi cuntenit "*Critizidade in sa gestione de sos refudos pro efetu de s'emergèntzia covid 19. Indicatziones*", in sa cale, pro cunsentire a sos impiantios sa gestione de subracàrrigos eventuales, cun s'arriscu concretu de s'interruzione de su servìtziu, sunt istadas frunidas indicatziones a sas Regiones e Provìntzias autònomas chi sèberent s'istumentu de s'ordinàntzia contingibile e urgente prima art. 191, DLgs n. 152/2006, pro disciplinare formas ispetziales de gestione de sos refudos in su territòriu pròpiu;
- BIDAS sas ordinàntzias contingibiles e urgentes de su Presidente de sa Regione Sardigna, in cunforma a s'art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica;
- BIDA in particolare, s'ordinàntzia n. 16 de su 3 de abriale de su 2020 chi cuntenit "*Ulteriores mesuras istraordinàrias urgentes de cuntrastu e preventzione de s'isparghidura epidemiològica dae covid-2019 in su territòriu regionale de sa Sardigna. Ordinàntzia in cunforma a s'art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica. Dispositziones pro sa gestione de sos refudos urbanos*"; cun tale ordinàntzia, emìtida in cunforma a s'art. 32 de sa lege n. 833/78 e de s'art. 191 de su DLgs n. 152/2006 e chi at balididade finas a su 31 de trìulas de su 2020, sunt istadas collidas sas



REGIONE AUTÒNOMA DE SARDIGNA
REGIONE AUTONOMA DELLA SARDEGNA

IL PRESIDENTE

indicatziones de su Ministèriu de s'ambiente e de sa tutela de su territòriu e de su mare;

- BIDU** su Raportu ISS covid-19 n. 3/2020, rev. 2, in sa versione a su 31/05/2020, chi cuntenit "*Indicatziones in s'interim pro sa gestione de sos refudos urbanos in relatzione a sa trasmissione de s'infetzione dae virus Sars-CoV-2*", cun su cale s'Istitutu Superiore de Sanidade at individuadu ispetzificas modalidades gestionales pro sa regorta de sos refudos urbanos produidos dae sas pessones positivas a su tampone o in barantena obligatòria;
- BIDA** s'ordinàntzia de su Presidente de sa Regione Sardigna n. 44 de su 22 de cabudanni de su 2020 chi cuntenit "*Ulteriores mesuras istraordinàrias urgentes de cuntrastu e preventzione de s'isparghidura epidemiològica dae covid-19 in su territòriu regionale de sa Sardigna. Ordinàntzia in cunforma a s'art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica. Dispositziones pro sa gestione de sos refudos urbanos*", chi at eficàtzia finas a su 15 de santugaine de su 2020;
- BIDA** s'ordinàntzia de su Presidente de sa Regione Sardigna n. 48 de su 15 de santugaine de su 2020 chi cuntenit "*Ulteriores mesuras istraordinàrias urgentes de cuntrastu e preventzione de s'isparghidura epidemiològica dae covid-19 in su territòriu regionale de sa Sardigna. Ordinàntzia in cunforma a s'art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica. Dispositziones pro sa gestione de sos refudos urbanos*", cun sa cale sa balididade de s'ordinàntzia n. 44 de su 22 de cabudanni de su 2020 est istada prorogada a su 31 de ghennàrgiu de su 2021; cun sa matessi ordinàntzia sunt istadas fatas unas cantas modificas a s'articulu 6 de s'ordinàntzia tzitada n. 44/2020 pro tènnere contu de s'interruzione, finas a su 31/01/2021, de su servitziu de termovalorizzazione in s'impiantu de Macchiareddu de titularidade de su Consòrtziu industriale provintziale de Casteddu;
- BIDU** su decretu-lege 14 de ghennàrgiu 2021, n. 2, chi cuntenit "*Ulteriores dispositziones urgentes in matèria de cuntenimentu e preventzione de s'emergèntzia epidemiològica dae covid- 19 e de acumprimentu de sas eletziones pro s'annu 2021*", cun su cale si disponet tra sas àteras cosas sa pròroga de s'istadu de emergèntzia a su 30 de abriale de su 2021;
- CUNSIDERADU** s'isvilupu de sa situatzione epidemiològica, su caràtere a manera particolare isparghidore de s'epidemia e s'andamentu de sos casos in su territòriu natzionale;
- CUNSIDERADU** chi tale situatzione epidemiològica at efetos evidentes subra de sa gestione de sos refudos urbanos in totu su territòriu regionale;
- APRETZIADU** netzessàriu garantire sa sighida de su servitziu de gestione de sos refudos urbanos in su territòriu regionale, tratende si de servitziu pùblicu essenziale;
- APRETZIADU** de dèvere prorogare s'eficàtzia de s'ordinàntzia n. 48 de su 15 de santugaine de su 2020, finas a su 30 de abriale de su 2021 in coerèntzia cun cantu dispostu dae su decretu-lege 14 de ghennàrgiu de su 2021, n. 2;



**REGIONE AUTÒNOMA DE SARDIGNA
REGIONE AUTONOMA DELLA SARDEGNA**

IL PRESIDENTE

CUNSIDERADU chi cun nota n. 615 de su 20/01/2021 su Consòrtziu industriale provintziale de Casteddu at comunicadu s'aviu nou graduale de su termovalorizadore de Macchiareddu in su mese de freàrgiu de su 2021;

APRETZIADU pro cussu de dèvere individuare in sa termovalorizatzione su sèberu prioritàriu pro sa gestione de sos refudos produidos in sas domos in ue sunt presentes sugetos positivos a su tampone, in isulamentu o in barantena obligatòria;

DADU ATU chi s'ordinàntzia presente est emitida in cunforma a s'art. 32 de sa lege n. 833/1978 e de s'art. 191 de su D Lgs n. 152/2006;

INTESOS sos diretores generales de sa Presidèntzia, de sa protetzione tzivile, de sa difesa de s'ambiente e de sa sanidade;

ÒRDINAT

Art. 1) sa balidade de s'ordinàntzia n. 44 de su 22 de cabudanni de su 2020, gasi comente modificada dae s'ordinàntzia n. 48 de su 15 de santugaine de su 2020, est prorogada finas a su 30 de abrile de su 2021.

Art. 2) A decùrrere dae sa data de intrada in esertzìtiu de su termovalorizadore de Macchiareddu, sos refudos urbanos produidos in sas domos in ue sunt presentes sugetos positivos a su tampone, in isulamentu o in barantena obligatòria ant a dèvere èssere a manera prioritària tratados in su matessi impiantu a manera cumpatibile cun sas potenzialidades disponibles. Sos cunferimentos ant a dèvere avènnere subra de sa base de cronoprogramma ispetzificu de cuncordare intre su gestore de su termovalorizadore matessi e su Comune cunferidore o s'impiantu eventuale de prima destinatzione a servìtziu de su batzinu territoriale de appartenèntzia.

Art. 3) S'ordinàntzia presente:

- Est eficatze a manera immediata e est publicada in su situ istituzionale de sa Regione Sardinia. Sa publicatzione at balore de notifica individuale, a totu sos efetos de lege, in sos cunfrontos de totu sos sugetos interessados;
- benit trasmìtida segundu sas cumpetèntzias respetivas a su Presidente de su Consìgiu de sos Ministros, a su Ministru de s'ambiente e de sa tutela de su territòriu e de su mare, a su Ministru de sa salute, a sos Amministradores de sas Provintzias de su territòriu regionale, a su Sindigu metropolitanu de Casteddu, a sos Sìndigos de sos Comunes de sa Sardinia, a sos Prefetos de sos Ufìtzios territoriales de governu de sa Sardinia, a sos Assessoros regionales e a sos àteros sugetos interessados.



**REGIONE AUTÒNOMA DE SARDIGNA
REGIONE AUTONOMA DELLA SARDEGNA**

IL PRESIDENTE

Francu chi su fatu non costituit reatu prus grave, sa no osservàntzia de sos òbligos segundu s'ordinàntzia presente est santzionada comente pro lege (art. 4 de su DL n. 19 de su 25 de martzu de su 2020).

Contra a s'ordinàntzia presente est ammitidu ricursu giurisditzionale a dae in antis a su Tribunale Amministrativu Regionale in su tèrmine de 60 dies dae sa comunicatzione, ossiàt ricursu istraordinàriu a su Capu de s'Istadu, intro de su tèrmine de dies 120.

Christian Solinas



CHRISTIAN SOLINAS
REGIONE AUTÒNOMA
DE SA SARDIGNA -
SISTEMA REGIONE
05.02.2021 16:23:03
UTC

Traduzione de s'operadora de s'isportellu linguisticu de Monteleone
Maria Leonarda Corredu